



ALL INDIA RADIO

REGIONAL NEWS UNIT - SILCHAR

MORNING NEWS BULLETIN

BENGALI

13 JULY 2024

7:35—7:40 PM IST

কেন্দ্রীয় যোগাযোগ ও উত্তর-পূর্ব উন্নয়ন দপ্তরের মন্ত্রী জ্যোতিরাদিত্য সিঙ্কিয়া আজ গুয়াহাটের নেডফি হাউস পরিদর্শন করে আধিকারিকদের সঙ্গে উদ্যোগীকরণ এবং স্টার্ট-আপকে আরো বেশি সম্প্রসারিত করার বিভিন্ন উপায় নিয়ে আলোচনা করবেন। দুদিনের সফরে আসাম ও মেঘালয়ে আসা কেন্দ্রীয় ডোনার মন্ত্রী শ্রী সিঙ্কিয়া গতকাল মেঘালয়ের রাজধানী শিলঙে যাওয়ার আগে বিমান বন্দরে সাংবাদিকদের সঙ্গে কথা প্রসঙ্গে তিনি বলেন যে- বিকশিত ভারত ও বিকশিত উত্তর-পূর্বের জন্য ভবিষ্যদশী প্রকল্পের লক্ষ্যে কেন্দ্রীয় সরকার উন্নয়নমূলক পদক্ষেপ গ্রহণ করেছে। প্রধানমন্ত্রী নরেন্দ্র মোদী উত্তর-পূর্বাঞ্চলকে দেশের উন্নয়নের প্রবেশদ্বার হিসেবে অভিহিত করেছেন এবং কেন্দ্রীয় সরকার প্রধানমন্ত্রীর এই দৃষ্টিভঙ্গীকে বাস্তবায়িত করতে এই অঞ্চলের উন্নয়নে বিশেষ কর্মব্যবস্থা গ্রহণ করেছেন বলে তিনি জানান। শ্রী সিঙ্কিয়া জানান যে- কেন্দ্রীয় ডোনার মন্ত্রণালয়ের বাজেট বরাদ্দ ২৪ হাজার কোটি টাকা থেকে বাড়িয়ে ৮২ হাজার কোটি টাকা করা হয়েছে। তিনি বলেন যে- উত্তর-পূর্বাঞ্চল হচ্ছে আমাদের সুপ্রাচীন কৃষ্টি সংস্কৃতির ভান্ডার। এবং কেন্দ্রীয় সরকার পরিকাঠামো, যোগাযোগ, স্বাস্থ্যসেবা, শিক্ষা, স্টার্ট-আপ, উদ্যোগীকরণ এবং পর্যটন উন্নয়নের উপর গুরুত্ব আরোপ করেছে। উল্লেখ্য- কেন্দ্রীয় মন্ত্রীর এই সফরকালে ডোনার মন্ত্রণালয়ের আধিকারিকগণ, উত্তর-পূর্ব পরিষদ ও রাজ্য সরকারের উচ্চপদস্থ আধিকারিকদের সঙ্গে পর্যালোচনা বৈঠকে মিলিত হবেন। তিনি 'এন ই আর এ সি ই' শীর্ষক একটি এ্যাপ্লিকেশনের আনুষ্ঠানিক প্রকাশ করবেন। এবং উত্তর-পূর্ব পরিষদের অন্যান্য আধিকারিকদের সঙ্গে মত বিনিময় করবেন।

সুপ্রীম কোর্ট কেন্দ্রীয় সরকারকে দেশে আত্মহত্যা প্রতিরোধের জন্য স্বাস্থ্য বিভাগের গৃহিত পদক্ষেপসমূহের সর্বশেষ স্থিতি সম্পর্কে প্রতিবেদন দাখিল করার নির্দেশ প্রদান করেছে। প্রধান বিচারপতি ডি ওয়াই চন্দ্র চূড়ের নেতৃত্বে গঠিত একটি ডিভিশন ব্যাঞ্চ আগামী চার দিনের মধ্যে এই প্রতিবেদন দাখিল করার নির্দেশ দিয়েছে। সুপ্রীম কোর্ট শিশু আত্মহত্যার ঘটনা অত্যন্ত গুরুতর

বিষয় বলে প্রতিক্রিয়া ব্যক্ত করে কেন্দ্রীয় স্বাস্থ্য সঞ্চালকালয়কে এ ধরনের ঘটনা প্রতিরোধের জন্য বিহিত ব্যবস্থা গ্রহণ করার আহ্বান জানিয়েছে।

রাজ্যের জনস্বাস্থ্য ও কারিগড়ি মন্ত্রী জয়ন্ত মল্লবরুয়া হাইলাকান্দি জেলার আবর্তভবন আধুনিককরণের কাজ ২০২৫ সালের আগষ্ট মাসের মধ্যে শেষ করার নির্দেশ দিয়েছেন। উল্লেখ্য ১২ কোটি টাকা ব্যয় সাপেক্ষে হাইলাকান্দীর নতুন দ্বিতল আবর্তভবনের নির্মাণের জন্য ইতিমধ্যে টেন্ডার প্রক্রিয়া সম্পন্ন হয়েছে। মন্ত্রী হাইলাকান্দি শহরের জল নিষ্কাশন ব্যবস্থা উন্নত করতে পৌরসভাকে নির্দেশ দিয়েছেন। গতকাল হাইলাকান্দীর জেলা আয়ুক্তের কার্যালয়ের সভাকক্ষে আয়োজিত পর্যালোচনা বৈঠকে অংশ নিয়ে মন্ত্রী শ্রী বরুয়া জানান যে এবারের বন্যায় তিনটি স্থানে নদী ভাঙ্গন হলেও বাঁধগুলির দ্রুত মেরামতির কাজ চলছে। বন্যায় ক্ষতিগ্রস্ত লোকেদের নাম ও ক্ষয়ক্ষতির পরিমাণ নিরূপন করে আগামী ২০শে জুলাইয়ের মধ্যে সেসব পোর্টালে আপলোড করতে তিনি নির্দেশ দিয়েছেন।

মন্ত্রী শ্রী বরুয়া একথা জানিয়ে রাজস্ব বিভাগের কর্মচারীদের বাড়ি বাড়ি গিয়ে ক্ষতিপূরণের পরিমাণ নিরূপণ করার নির্দেশ দিয়েছেন। বৈঠকে জানানো হয় যে প্রথম দফার বন্যার ক্ষয়ক্ষতির পরিমাণ নিরূপণ করা হলেও দ্বিতীয় দফার বন্যার ক্ষয়ক্ষতির পরিমাণ নিরূপণের কাজ চলছে।

এদিকে মন্ত্রী শ্রী বরুয়া গতকাল করিমগঞ্জ জেলার বন্যা পরিস্থিতি পরিদর্শন করে আগামী ১৫ই আগস্টের আগে যাতে ক্ষতিগ্রস্ত জনসাধারণের ক্ষতিপূরণের বিষয়টি নিষ্পত্তি করা যায় সেজন্যে সংশ্লিষ্ট প্রতিটি বিভাগকে আগামী এক সপ্তাহের মধ্যে বন্যায় ক্ষয়ক্ষতির পরিমাণ নিরূপণ করার নির্দেশ দিয়েছেন। মন্ত্রী গতকাল করিমগঞ্জের বিরজা সুন্দরী গার্লস হাইস্কুল ও সরকারী উচ্চতর মাধ্যমিক বিদ্যালয়ের ত্রাণ শিবির পরিদর্শন করেন। এবং পরে জেলা প্রশাসনের সঙ্গে একটি পর্যালোচনা বৈঠকে মিলিত হন। বৈঠকে জেলা আয়ুক্ত মৃদুল যাদব জেলার সামগ্রিক বন্যা পরিস্থিতির চিত্র তুলে ধরেন। সভায় শ্রী বরুয়া জেলার পশুপালন ও পশু চিকিৎসা বিভাগকে পশু খাদ্যের ব্যবস্থা করার নির্দেশ দিয়েছেন। জনস্বাস্থ্য কারিগরি বিভাগকে বন্যায় ক্ষতিগ্রস্ত জলসরবরাহ প্রকল্পগুলির খতিয়ান প্রস্তুত করে সংশ্লিষ্ট বিভাগের উর্দ্ধতন কর্তৃপক্ষের কাছে পাঠাতে বলা হয়েছে। এবং এই জলসরবরাহ প্রকল্পগুলিকে শীঘ্র কর্মক্ষম করে তোলার জন্য তিনি সংশ্লিষ্ট কর্তৃপক্ষকে নির্দেশ দিয়েছেন। এছাড়া কৃষি বিভাগকে কৃষিজমিতে ফসলের ক্ষতয়ক্ষতির মূল্যায়ন করতেও মন্ত্রী নির্দেশ দিয়েছেন। তিনি জেলার সব চক্র আধিকারিকদের বন্যায় ক্ষতিগ্রস্তদের বাড়ি-ঘর, ছাত্রছাত্রীদের পাঠ্যপুস্তক, আসবাব পত্র, বাসনপত্র, কাপড়চোপড় ইত্যাদির সঠিক মূল্যায়ন করতে এবং বন্যা পীড়িত ব্যক্তিদের পূর্নবাসনের দিকে সজাগ দৃষ্টি রাখার নির্দেশ দিয়েছেন।

কাছাড়ের জেলা আয়ুক্তের কার্যালয়ে রাজস্ব শেরাস্তাদার পদে নিযুক্তির জন্য ইচ্ছুক প্রার্থীদের কাছ থেকে স্ট্যান্ডার্ড ফর্মে আবেদন আহ্বান করা হয়েছে। প্রার্থীকে আসামের যেকোন জেলার স্থায়ী বাসিন্দা হতে হবে এবং জেলার প্রশাসনিক প্রতিষ্ঠানে এই কাজে ১৫ বছর কাজের অভিজ্ঞতা থাকতে হবে। আগামী ১৫ দিনের মধ্যে ইচ্ছুক প্রার্থীদের আবেদন করতে হবে। বিশদ বিবরণ জেলা আয়ুক্তের কার্যালয়ে পাওয়া যাবে।

করিমগঞ্জ জেলায় এইচ আই ভি, এইডস সম্পর্কে জনসচেতনতা গড়ে তুলতে আসাম রাজ্য এইডস কন্ট্রোল সোসাইটির অন্তর্গত দিশা ক্লাস্টারের পক্ষ থেকে জেলার বিভিন্ন নেশা মুক্তি কেন্দ্রগুলিতে সচেতনতা ও স্ক্রিনিং শিবির অনুষ্ঠিত হচ্ছে। শিবিরগুলিতে জনসাধারণকে এইচ আই ভি সম্পর্কে সচেতন করার পাশাপাশি এই রোগের বিস্তার প্রতিরোধে অগ্রিম রোগ নির্ণয় ও চিকিৎসা প্রদানের ব্যবস্থা করা হচ্ছে। আগামী ২৭শে জুলাই পর্যন্ত এধরনের শিবির চলবে। উল্লেখ্য এইচ আই ভি রোগ সম্পর্কে একটি সুস্থ ও সচেতন সমাজ গড়ে তোলাই এই অভিযানের লক্ষ্য বলে জানানো হয়েছে।

দিব্যাঙ্গ সবলীকরণ বিভাগ দিব্যাঙ্গদের সক্ষমতা বৃদ্ধির জন্য কাজ করে যাওয়া সংস্থা গুলিকে জাতীয় পুরস্কারের আবেদন প্রক্রিয়ায় অংশ গ্রহণ করার আহ্বান জানিয়েছে। সামাজিক ন্যায় বিভাগ দিব্যাঙ্গদের সক্ষম করে তুলতে যে সব সংস্থা ক্রমাগত কাজ করে চলেছে তাদের উৎসাহিত করে সামাজিক পরিচয় প্রদানের উদ্দেশ্যে এই পুরস্কার প্রদানের পদক্ষেপ গ্রহণ করেছে বলে জানিয়েছে। প্রতি বছর তেসরা ডিসেম্বর আন্তর্জাতিক বিকলাঙ্গ দিবস উপলক্ষে দিব্যাঙ্গদের উন্নয়নের জন্য কাজ করা ব্যক্তি, সংস্থা, সংগঠন, রাজ্য এবং জেলা স্তরে এই পুরস্কার প্রদান করা হয়। উল্লেখ্য যে ২০২৪ সালের জাতীয় এই পুরস্কারের জন্য অন-লাইন আবেদন প্রক্রিয়া চলতি মাসের ৩১ তারিখ পর্যন্ত খোলা থাকবে।
